



სსიპ „გარემოს ეროვნული სააგენტო“-ს უფროსს
ბატონ ვასილ გელევანიშვილს

N2209-01

22.09.2023 წ.

ბატონო ვასილ,

გაცნობებთ, რომ შპს „ლუ ტრანს“-ის (ს/კ 405286159) მიერ, მცხეთის მუნიციპალიტეტის სოფელ ნავაზის ტერიტორიაზე მცხეთა-სტეფანწმინდა-ლარსის საავტომობილო გზის მიმდებარედ დაგეგმილია 760 მსუბუქი და სატვირთო ავტომობილისთვის ავტოსადგომის მოწყობისა და ექსპლუატაციის პროექტის განხორციელება.

საპროექტო ავტოსადგომის მოწყობა დაგეგმილია სახელმწიფო საკუთრებაში არსებული არასასოფლო-სამეურნეო დანიშნულების მიწის ნაკვეთებზე (ს.კ. 72.03.08.586 - 72827 მ², ს.კ. 72.03.08.629 - 60972 მ², ს.კ. 71.64.91.693 - 20000 მ²) ჯამური ფართით 153,799 მ².

პროექტის მიზანია ავტოსადგომის ტერიტორიაზე განხორციელდეს:

1. 15.37 ჰა. ფართობზე მოხდეს ავტოსადგომის ინფრასტრუქტურის მოწყობა;
2. საპროექტო ტერიტორიაზე წარმოქმნილი სანიაღვრე წყლების მართვისთვის გათვალისწინებულია ნავთობდამჭერის და 13270 მ³ მოცულობის წყალშემკრები რეზერვუარის მოწყობა;
3. ავტოსადგომის ტერიტორიის მდ. არაგვის წყალდიდობისგან და ეროზიისგან დაცვის მიზნით, 1025 მეტრის სიგრძის ნაპირსამაგრი ნაგებობის მოწყობა;
4. წარმოქმნილი სამეურნეო-საყოფაცხოვრებო წყლების მართვის მიზნით, ბიოლოგიური გამწმენდი ნაგებობის მოწყობა, სადაც მოხდება გამწმენდი ნაგებობის და გაწმენდილი წყლებისთვის 2 X 200 მ³ მოცულობის რეზერვუარის მოწყობა.

წარმოდგენილი პროექტი განეკუთვნება „გარემოსდაცვითი შეფასების კოდექსი“-ს II დანართის 9.2. ქვეპუნქტის შესაბამისად გათვალისწინებულ საქმიანობას (10 ჰექტარზე მეტი განაშენიანების ფართობის მქონე ურბანული განვითარების პროექტი (მათ შორის, სავაჭრო ცენტრისა და 1 000 ავტომობილის ტევადობის ავტოპარკის მოწყობა)), 9.9 ქვეპუნქტის შესაბამისად გათვალისწინებულ საქმიანობას (კაშხლის ან/და სხვა ნაგებობის/მოწყობილობის მშენებლობა, რომლის მშენებლობა მიზანშეწონილია წყლის შეკავების ან წყლის გრძელვადიანი დაგროვების მიზნით და რომლის მიერ შეკავებული ან დაგროვებული წყლის მოცულობა 10 000 მ³-ზე მეტია), 9.13 ქვეპუნქტის შესაბამისად გათვალისწინებულ საქმიანობას (ნაპირდაცვითი და სანაპირო ზოლის ეროზიის შესაკავებლად ან/და სანაპირო ზოლის აღდგენის მიზნით გათვალისწინებული სამუშაოები, აგრეთვე საზღვაო სამუშაოები, რომლებიც შეიძლება სანაპიროს შეცვლა მშენებლობის მეშვეობით (კერძოდ, დამბის, ჯებირის, მიწაყრილის განთავსება და ზღვისგან დაცვის სხვა სამუშაოები), გარდა მათი სარეკონსტრუქციო სამუშაოებისა) და 10.6 ქვეპუნქტის შესაბამისად გათვალისწინებულ საქმიანობას (ჩამდინარე წყლების გამწმენდი ნაგებობის მოწყობა და ექსპლუატაცია), შესაბამისად ექვემდებარება ამავე კოდექსის მე-7 მუხლით განსაზღვრული სკრინინგის პროცედურის გავლას.

გთხოვთ, განიხილოთ წარმოდგენილი სკრინინგის განცხადება/ანგარიში და გასცეთ სკრინინგის გადაწყვეტილება.

წერილს თან ერთვის:

- სკრინინგის ანგარიშის ელექტრონული ვერსია - 1 ეგზემპლარი;
- საქმიანობის განხორციელების ადგილის GIS (გეოგრაფიული საინფორმაციო სისტემა) კოორდინატები, shape ფაილის სახით - ელ. ვერსია;
- მცხეთის მუნიციპალიტეტის წერილი დაგეგმილი საქმიანობის განხორციელების ადგილის ფუნქციური ზონისა/ქვეზონისა და ამ საქმიანობის აღნიშნულ ზონასთან/ქვეზონასთან თავსებადობის შესახებ - ელ. ვერსია;

პატივისცემით,

შპს „ლგ ტრანს“-ის დირექტორი

შორენა ნინიაშვილი

